

Kommune Qeqertalimmi Innarluutilinnut Siunnersuisooqatigiit ileqqoreqqusaat

Ateq

§ 1 Kommune Qeqertalimmi Innarluutilinnut Siunnersuisooqatigiit.

Siunertaq

§ 2 Innarluutilinnut Siunnersuisooqatigiit siunertaraat innarluutillit pillugit politikimi apeqqutitut kommunalbestyrelsimut siunnersortaassalluni kiisalu najukkami politikikkut innarluutillit pillugit apeqqutini innuttaasut aamma kommunalbestyrelsip akornanni isummersuutit ingerlateqqissallugit.

Aammattaq Innarluutilinnut Siunnersuisooqatigiit sulinerminni siunertaraat:

- Kommunip innarluutillit pillugit politikia ineriartortissallugu aamma nukittorsassallugu
- Kommunimi Innuttaasut innarluutilinut pissutsit pillugit paasisitsiniaanerit siuarsassallugit
- Innuttaasut innarluutillit kissaataat aamma piariaqartitaat kommunalbestyrelsimut saqqummiutissallugit.

Atuuffiit suliassallu

§ 3 Suliniutit inunnut innarluutilinnut tunngassuteqartut pillugit Innarluutillit Siunnersuisooqatigiivi tusarneqartassapput.

Imm. 2. Apeqqutit suliassanut nalinginnaanerusunut tunngassuteqartut oqallisigineqarnissaat Innarluutilinnut Siunnersuisooqatigiinnit isumagineqarsinnaapput kiisalu politikikkut siunnersuuteqarnerit aamma allaffissornikkut suliniuteqarnerit.

Imm. 3. Innarluutillit Siunnersuisooqatigiivi innarluutillit siunnersuisooqatigiivinut allanut, peqatigiiffinnut assigisaannullu attaveqarsinnaapput.

Imm. 4. Kommunimi innarluutillit pillugit kommunimi suliniutini taakkununga tunngassuteqartuni ingerlaavartumik ilisimatinneqartarnissaat Innarluutilinnut Siunnersuisooqatigiit peqataaffigissavaat.

Imm. 5. Siunnersuisooqatigiit sulinerat pillugu ukiumoortumik Innarluutilinnut Siunnersuisooqatigiit nalunaarusiamik aamma siunnersuutinik kommunalbestyrelsimut/ataatsimiititaliamut ataavartumut tunniussisassaaq.

Imm. 6. Innarluutilinnut Siunnersuisooqatigiit minnerpaamnik ukiumut sisamariarlutik ataatsimiittassapput imaluunnit oqarasuaatikkut/video-kkut ataatsimiittassallutik.

Imm. 7. Inunnut ataasiakkaanut tunngassuteqartut pillugit apeqqutit Innarluutillit siunnersuisooqatigiivinit suliarineqarsinnaangillat, matumani sulianik qinnuteqaatinut tunngasuteqartut, inunnut tunngasunut suliassat imaluunniit naammagittaalliuutit tigussaasut pillugit apeqqutit ilanngullugit.

Imm. 8. Innarluutilinnut Siunnersuisooqatigiit aalajangiisinnaassuseqanngillat.

Siunnersuisooqatigiit katitigaanerit aamma sulinerminni atugassaat

§ 4 Innarluutilinnut siunnersuisooqatigiit sisamaniit arfineq pingasunut ilaasortaqaarsinnaapput:

- ilaasortat marlunniit sisamanut Kommune Qeqertalimmi najugaqartut innarluutillit pillugit suliniaqatigiiffinniit toqqarneqassapput
- kommunalbestyrelsimi ilaasortaq ataaseq kommunalbestyrelsimit toqqarneqassaaq
- ilaasortaq ataaseq imaluunnit pingasut kommunip ingerlatsiviiniit toqqarneqassapput

Imm. 2. ilaasortat amerlassusaat innarluutillit pillugit suliniaqatigiiffiinit aamma kommunalbestyrelsimit sinniisuuffigineqartut amerlaqatigiissapput. Kommunalbestyrelsip kommunimit sinnisorineqartut amerlassusissaasa naliaginnaat kommunalbestyrelsimit isumagineqassaaq.

Imm. 3. Innarluutilinnut Siunnersuisooqatigiit katitigaanissat ima anguniarneqassaaq taamaalilluni ilaasortat kommunimi innarluutilinnit assigiinngitsuneersunit aamma kommunimi immikkoortortaqaqfinni assigiinngitsuniit sinniisuuffigineqassallutik, matumani meeqqat aamma inersimasut innarluutillit ilangullugit.

Imm. 4. Innarluutillit Siunnersuisooqatigiivnut sinniisussat arfineq pingasut toqqarneqassapput. Innarluutilinnut suliniaqatigiiffinniit sinniisussat marlunniit sisamanut, aamma kommunalbestyrelsi taamatut iliussaaq. Innarluutilinnut sulinniaqatigiiffiit sinniisussanik naammattunik toqqaasinnaangikkunik, sinniisussaq ilaasortamut allamut aamma inuttut sinniisuusinnaavoq.

Imm. 5. Innarluutilinnut Siunnersuisooqatigiinni ilaasortamut sinniisussaq ilaasortaq peqataasinnaangikkaagat ilaasortanngortasaaq. Innarluutilinnut Siunnersuisooqatigiinnut ilaasortaq siunnersuisooqatigiit atuuffia suli naanngitsoq ilaasortaajunnaassappat, sinniisussaq Innarluutilinnut Siunnersuisooqatigiinnut ilaasortanngussaaq, kiisalu sinniisussamik nutaamik toqqaasoqarluni.

Imm. 6. Innarluutilinnut Siunnersuisooqatigiinni ilaasortaq imaluunniit sinniisussaq innarluutillit siunnersuisooqatigiivisa atuuffiat suli naanngitsoq kommunimiit nuuppat pineqartoq innarluutilinnut siunnersuisooqatigiinnit ilaasortaajunnaassaaq.

Imm. 7. Innarluutillit Siunnersuisooqatigiivisa atuuffiat kommunimi qinersiviup atuuffia malippaa, taamaattoorli ilaasortat atuutissapput ilaasortat nutaat toqqarneqarnissaata tungaanut.

Imm. 8. Innarluutillit siunnersuisooqatigiivnut ilaasortaq nammineq kajumissuseq atorlugu atuuffiuvvoq akissaasersorneqaranilu.

Innarluutilinnut Siunnersuisooqatigiit suleriaasiat

§ 5 Kommunimut qinersisoqareerpat Kommunalbestyrelsi ataatsimiinnissamut siullermut aggersaassaaq.

Imm. 2. Innarluutilinnut siunnersuisooqatigiit siulittaasumik aamma siulittaasup tullianik toqqaallutik namminerlutik inissitsitissapput.

Imm. 3. Innarluutilinnut siunnersuisooqatigiit suleriaasissartik namminerlutik aalajangersassavaat.

Aaqqissuussaaneq aamma allaffeqarnikkut sullinneqarneq

§ 6 Innarluutilinnut siunnersuisooqatigiit Ataatsimiititaliap INUIT-ip ataanni inissisimavoq.

Imm. 2. Kommunalbestyrelsi ataatsimiiffissanik, attaveqaatitigut atortunik, oqalutseqarnermik aamma nutserisoqarnermik isumaginnittuussaaq kiisalu allatseqarneq aamma oqaluuserisassanik, ilanngussanik aamma imaqarnilianik Innarluutilinnut siunnersuisooqatigiit ataatsimiinneranni atugassanik isumaginnillunilu nassiussuissaaq.

Suleqatigiinneq aamma oqaloqatigiinneq

§ 7 Siunnersuisooqatigiit ataatsimiinnerannit imaqarniliat Ataatsimiititaliap INUIT-nut ilisimatitsissutitut nassiunneqassapput.

Imm. 2. Ingerlatsiviup INUIT-ip isumagisavaa, Innarluutilinnut siunnersuisooqatigiit sulinerat pillugu ingerlatsivinnut susassaqtut malitseqartitsinertut malinnaatittassavaat.

Imm. 3. Ataatsimiititaliap INUIT-ip Innarluutilinnut siunnersuisooqatigiit ukiumoortumik killiffissioqatigiinnissamut aggersartassavaa.

Nipangiussisussaataaneq

§ 8 Inunnut tunngasunut suliaqarnermi imaluunniit pisortatigoortumik suliassani isertugaasuni taaneqarsinnaasuni Innarluutilinnut siunnersuisooqatigiinni ilaasortat nipangiussisussaataapput.

Imm. 2. Siunnersuisooqatigiinni ilaasortaajunnaarnermi nipangiussisussaataitaneq atorunnaarneq ajorpoq.

Ileqqoreqqusanik allanngwineq aamma atuutsitsilerneq

§ 9 Ileqqoreqqusanik allannguisoqartinnagu Innarluutillit pillugit Siunnersuisooqatigiit tusarneqaqqaartussaapput.

§ 10 Innarluutillit pillugit Siunnersuisooqatigiinnut ileqqoreqqusat atuutilersinneqassapput Kommunalbestyrelsimit akuersissutigineqareepata.

Imm. 2. Ilutigitillugu Kommune Qeqertalimmi Innarluutillit pillugit Siunnersuisooqatigiit pillugit ileqqoreqqusaq 18. september 2019-meersoq atorunnaarpoq